

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), Vlada Zeničko-dobojskog kantona, na prijedlog Ministarstva unutrašnjih poslova, na 105. sjednici, održanoj 28.3.2013. godine, d o n o s i

## ZAKLJUČAK

### I.

Prima se na znanje Odgovor u vezi zaključka Općinskog vijeća Visoko broj: 01/1-02-56/13 od 07.03.2013. godine, sačinjen od strane Ministarstva unutrašnjih poslova.

### II.

Odgovor iz tačke I. ovog zaključka dostaviti Općinskom Vijeću Visoko.

### III.

Zaključak stupa na snagu danom donošenja.

Broj: 02-\_\_\_\_\_/13.  
Datum, 28.03.2013. godine  
Zenica

**PREMIJER**

*mr.sci. Fikret Plevljak, dipl.ing.*

DOSTAVLJENO:

1x Ministarstvo unutrašnjih poslova,  
1x Predsjedavajući Skupštine,  
1x Stručna služba Vlade,  
1x a/a.



Broj: 08-03/4-02-1-1539-2/13

Dana: 21. 3. 2013. godine

VLADA ZENIČKO–DOBOJSKOG KANTONA  
N/R PREMIJERA  
N/R SEKRETARA

PREDMET: Odgovor u vezi zaključka Općinskog vijeća Visoko, dostavljen,

VEZA: Akt Skupštine broj: 01-04-5744-2/13 od 14. 3. 2013. godine

Akt Vlade broj: 02-1-04-5744-1/13 od 15. 3. 2013. godine

Zaključak Općinskog vijeća Visoko broj: 01/1-02-56/13 od 7. 3. 2013. godine

Na osnovu Zaključka Općinskog vijeća Visoko broj: 01/1-02-56/13 od 7. 3. 2013. godine koji je dostavljen Skupštini i Vladi Zeničko-dobojskog kantona, a u pogledu tačke 2 Zaključka ovo Ministarstvo kao nadležni organ daje odgovor i pojašnjenja kako slijedi.

Prema stanju popunjenosti radnih mjesta činjenica je da je u Policijskoj stanici Visoko, koja pokriva teritoriju općine Visoko, u odnosu na broj sistematizovanih radnih mjesta cca 25% nepopunjeno. Razlozi za nedostatak odgovarajućeg broja policijskih službenika ogledaju se u tome da je u proteklom periodu jedan broj policijskih službenika sa područja Visokog napustio ovo Ministarstvo prelaskom u druge policijske agencije radi blizine Sarajeva, u kome su smještene institucije Bosne i Hercegovine, organi Federacije BiH i drugi organi koji upošljavaju policijske službenike. Pored toga jedan broj policijskih službenika je zbog zdravstvenih smetnji preraspoređen na druge poslove usljed invalidnosti, a radni odnos je jednom broju prestao i zbog odlaska u starosnu penziju. Pomenute nedostatke nadoknađujemo prerasporedom zaposlenika kako bi građani što manje osjetili te nedostatke i kako se to ne bi odrazilo na stanje sigurnosti. A svjesni potrebe većeg broja policijskih službenika u Policijskoj stanici Visoko pokrenuta je inicijativa od strane ovog Ministarstva za prijem novih kadrova – policijskih službenika koju je podržala i Vlada Kantona, pa se u skorije vrijeme očekuje realizacija iste.

Kada je u pitanju omogućavanje sticanja radnog iskustva putem volontiranja diplomiranim kriminalistima, ovim putem želimo uputiti na specifičan status policijskih službenika i stanje propisa u konkretnoj oblasti koje ne daje mogućnost prijema u radni odnos na bilo koji drugi način nego samo i isključivo putem zapošljavanja na neodređeno vrijeme, uz propisanu proceduru koja podrazumijeva javno oglašavanje, zatim odabir kroz testiranje, potom sigurnosne provjere i osnovnu policijsku obuku na policijskoj akademiji. Nadalje, poslovi koje vrše policijski službenici propisani su posebnim zakonom i podrazumijevaju obradu ličnih podataka, kao i tajnih podataka gdje se obavezno mora voditi računa o pravilnoj obradi tih podataka i gdje za pristup istima nužno proći propisane sigurnosne provjere. Zbog navedenih razloga ovo Ministarstvo nije u mogućnosti primati zaposlenike radi volontiranja, a diplomirani kriminalisti će svakako imati priliku da prijavljivanjem i učestvom u proceduri prijema policijskih službenika budu zaposleni kao policijski službenici.

U pogledu problematike mirujućeg saobraćaja želimo upoznati da je u „Službenom glasniku Bosne i Hercegovine“, broj: 18/13 objavljen Zakon o dopuni Zakona o osnovama sigurnosti saobraćaja na putevima u Bosni i Hercegovini koji je donesen na inicijativu organa koji su nadležni za oblast kontrole i regulacije saobraćaja, a tiče se upravo problematike zaustavljanja i prakiranja vozila za što prema ranijem propisu nisu bile propisane prekršajne sankcije. Primjenom ovih odredaba kao i drugih propisa iz konkretne oblasti sigurno će se od strane ovog Ministarstva moći poboljšati stanje po pitanju mirujućeg saobraćaja.

Kada je u pitanju zakonska regulativa u oblasti javnog reda i mira, odnosno Zakon o javnom redu i miru ističemo da je ovo Ministarstvo već tri puta od donošenja istog iniciralo izmjene i dopune koje su i usvojene, te je na taj način regulativa i u ovoj oblasti unaprijeđena. Svakako da je problematika javnog reda i mira jedan od osnovnih pravaca rada ovog Ministarstva i u tom smislu će se nastaviti sa svim aktivnostima uključujući i iniciranje izmjena ili dopuna propisa za oblast u kojoj se ukaže potreba.

Izražavamo zahvalnost Općinskom vijeću Visoko koje istinski prati i podržava rad ovog Ministarstva uvažavajući realnu sliku stanja u svim segmentima društva. Uvjereni u nastavak dobre saradnje srdačno vas pozdravljamo.

DOSTAVLJENO:

1x Premijer Vlade ZDK,  
1x Stručna služba Vlade ZDK,  
1x a/a.

M I N I S T A R

Rifat Delić